



PENANGGUHAN UPACARA KONVOKESYEN KE-58 UNIVERSITI SAINS MALAYSIA

Universiti Sains Malaysia (USM) memandang serius terhadap peningkatan mendadak kes baharu COVID-19 dalam negara kebelakangan ini serta mengambil maklum mengenai pengumuman kerajaan untuk melaksanakan arahan Perintah Kawalan Pergerakan (PKP) di seluruh negara berkuatkuasa 12 Mei hingga 7 Jun 2021.

Sehubungan itu, setelah mengambil kira kesemua faktor risiko dan penilaian menyeluruh meliputi keselamatan dan kesejahteraan graduan khususnya, warga Universiti serta masyarakat amnya, dan setelah mendapat perkenan DYMM Tuanku Canselor USM, pihak Universiti telah membuat keputusan untuk **MENANGGUHKAN Upacara Konvokesyen Ke-58 USM yang dijadualkan pada 8 hingga 16 Jun 2021**, sehingga ke suatu tarikh yang akan dimaklumkan kelak apabila keadaan mengizinkan.

Segala kesulitan yang berbangkit akibat daripada penangguhan ini terutamanya yang berkaitan dengan persiapan dan perancangan awal yang telah dilakukan oleh pihak graduan adalah amat dikesali. Keputusan itu dibuat atas faktor kesihatan, keselamatan dan kesejahteraan kesemua pihak terbabit, di samping pematuhan kepada Prosedur Operasi Standard (SOP) yang dikeluarkan oleh Majlis Keselamatan Negara (MKN).

Dalam hal ini juga, pihak USM amat menghargai keprihatinan, kefahaman dan kerjasama yang diberikan oleh kesemua pihak yang terbabit. Marilah kita bersama-sama berdoa dan membantu memutuskan rantaian jangkitan wabak COVID-19 ini.

Para graduan diminta melayari laman web rasmi <https://convo.usm.my/> dari semasa ke semasa untuk mendapatkan maklumat dan perkembangan terkini berhubung dengan Upacara Konvokesyen Ke-58 Universiti Sains Malaysia.

Terima kasih.

PROFESOR DR. FAISAL RAFIQ MAHAMD ADIKAN, FASc.

Naib Canselor

10 Mei 2021